

Sagai Muittalægje

1as December 1905.

No. 23.

»Sagai Muittalægje« boatta guovte gærde juokke manost, 1as ja 15ad bæive, ja maksa ovta kruvna ja 20 øra jakkodagast — 60 øra jakkebælest. Bladde matta dinggujuvvut juokke poastarappe bokte. Dietetusak maksek 5 øra rana.

2be jakkodak.

Guli birra.

Baldes gavdnu Nuortta-Isamærast ja Davve-Atlanterabest. Dat satta šaddat hui stuores, gidda 5 metar guokku, ja dæddet 3—400 kilo. Dak stuoreb baldak goččujuvvujek bipoaiivven daihe bipo-njalbmen. Baldes læ okta vuovddajes guolle, mi borra æra gulid, gacca-ræbbaid ja daggaræžžaid. Muttomin doppe dat maidai loddid, mak bukček ja vugjek mæra vuolde. Dak stuora balddak orruk 80 — marga čuođe sala čiegnalasast, ja gæsseg boatta baldes davja čuovga bodnai ja manna vuonai sisa.

Davvagæčče Norgast læ baldes bivdo stuoreb sisaboaton. Eskimoaræk Grønlandast bivdek maidai baldaid. Baldast læ njalga cuoppa.

Hakka daihe havgga læ maidai okta buoides guolle. Dast læ njalga cuoppa, ja stuoremus hagak sattek šaddat lagabuidi ovta metar guokku. Hakka ælla 60—150 sala čiegnalasast, ja dam borramuš læ gaccaræbbak ja smaveb guolek. Hakka læ okta daina harve gulin, mi guodda (riegadatta) ællečivgaid. Go dak riegadek, læk dak centimeter bæle guokku ja vuojadek dakkaviđe, algost čaccegierragest; dasto, go dak šaddek boarrasæbbok, mannek dak čiegnalassi.

Stainir gavdnu Norga favlin ja Davveabin. Mangas gaddek, atte stainir læ okta snielles ja vuovddajes guolle; mutto dat i læk nuft. Dat borra dušše buok lagaš guiskid ja gaccaræbbaid, maid dat gavdna bodne alde. Dat læ nu njoace vuogjat, atte dat illa oazžo ovtage guole gidda. Stainarnakke barkkijuvvu ja adnujuvvu skuovvanakken. Bovllestai-

nir daihe girjestainir læ stuoreb ja cella čiegnalæb' mærast. Dat šadda gosi 2 metar guokku. Oarjabæld' Birgena dat i galga gavdnut. Stainarest læ buorre cuoppa.

Gonagas valljim.

Mañnel almugstemmim 18ad november vallji stuoradigge prins Carl gonagassan Norgi. Buok 116 stuoradiggeolbma valljijegje su ovtamielalažat. Dibmo 6 diedetegje 42 kanovna bavkasa, atte prins Carl læi valljijuvvum gonagassan. Ja de vuolgatuvvujegje 9 stuoradiggeolbma Kjøbenhavni, gost si vuostaivalddujuvvujegje stuora vaimolašvuodain. Prins Carl valdi aldseis dam nama Haakon VII, mañnelgo son læi valljijuvvum gonagassan Norgi.

Go Norga saddeolbmai oudast-čuožžo Berner læi Norga olbmui dærvuodaid ja likkosavvagid cækkam gonagassi, de sarnoi gonagas Haakon VII navt:

»Dak vuostas dærvuodak Norga stuoradiggeolbmain, guđek 18ad november læk valljim mu gonagassan, læk likkatuttam mu vaimo. Dak olbmak læk daggo bokte čajetam mudnji daggar gudne ja jako, maid mon mattam arvvedet, ja maid mon doavom šaddat ain stuorebun, go Norga olbmuk mu aka ja mu æmbo bottek dovddat. Nuftgo di diettebetet, de læi dat mu savvag mielde, atte almugstemmim dollujuvvui. Mon sittem oazžot vissesvuoda dam harrai, atte dak legje Norga olbmuk, ja i dušše okta ucceboasse daina, guđek savve mu gonagassan; dastgo mu barggo berre læt čokkit ja biđgit. Mu ællem aigestam aigom mon barg-

gat Norga likko diti, ja dat læ mu vaimolaš savvagak, atte dak olbmuk, gæk læk valljim monno, barggæk ovtamielalažat dam likko mañnai ja olles dorvolašvuodain satam mon dalle mu savvamsadnen valddet daid sanid: »Buok Norga diti!«

Dal go dat bitta čallujuvvu, de læ gonagas Haakon VII juo boattam Norgi. Mi savvap Norga gonagassi likko ja buristsivdnadusa.

Gonagas balkka.

Stuoradigge læ dal gieskad mærradam atte gonagas Haakon VII balkka galgga læt 700,000 kruvna, nu gukka go son radde. 11 stuoradiggeolbma legje dam mærradusa vuostai. Muttom stuoradiggeolmai Tveiten arvvali 500,000 kruvna gonagassi balkan.

Gonagas bæraš.

Haakon VII læ Danmarko gonagasa barnebardne. Son læ riegadam 3ad august 1872, ja læ dal 33 jage boares.

Su akka, dronnig Maud, læ engelas gonagasa nuoramus nieidda. Son læ riegadam 26ad november 1869 ja læ dal 36 jage boares.

Sodno aidno manna læ okta bardne, gutte dal goččujuvvu Olaven. Son riegadi 2be juli 1903 ja læ dal bagjel 2 jage boares.

Mi doavvop, atte mi farga sattep min blađest čajetet min lokkedi gonagasa, dronnig ja sodno mana gova.

Ruošaenam.

Ruošaædnemest i oro stuibme jaskodæme. Sikke Polenest ja æra baikin gullu moivve. Dast gieskad cakkitegje soatteskipaolbmak Kronstadt gavpuga lakka Petersborga. Manga čuođe olbmule bulle ja ædnagak sorb-

mijuvvujegje ja havvadattujuvve.

Brævva Lidnevuonast.

Mist læi albmugstemmim dabe Gamavuonast 12. november dam jage. Dievdok de galgge stemmit, jago si datto danskaprinsa gonagassan vai galgaigo Norga šaddat republikkan. Muttom gonagashaedægjek Gamavuonast legje gulu mielde vuolगतam »apostaliđ« deike Lidnevudni oazžom diti daid olbmaid stemmit gonagasa ala. Samek dabe galle uecan dittek dam birra, mi buoremus læ, gonagas vai republikka; mutto gulu mielde legje »apostalak« balddam sin ruošain. Daide muittalam, atte jos Norga šadda republikkan, de ruošsa dakkaviđe ja valdda obba rika. Ja ruošast ballek Lidnevuon'samek ollo æmbo go nævrest — vaiko ruošsa dam ragjai i læk dakkam Norgi æra go jaffoid deike suvddam ja boares muorra-savai filim.

Na, de si dal vulgge Gamavudni stemmit. Dat læi vuostas gærde, go stemmim-čoađgalmas dobbe dollujuvvui, ja vissa læi vuostas gærde mangasi, go si persovnalazat galgge stemmit. I læm imastallamest, jos muttomak æi diettam, moft dat dakko galgai doaimatuvvut. De oidnui Gamavuon-gievman, Ingebrihta, fæstačœmen muttomid stemmimvissui, ja vissa son skuvli sin, moft si galgge dakkat. Dobbe muttom ucca lanjačest legje »ja«-seddalak prentejuvvum čabba bogstavaiguim. I læm æra dakkat, go valddet ja coggat daid komvolutti; dastgo »nei«-seddalak æi gavdnum, ja æige vissa lifčige samek daina berustam, jos dak vel lifčige gavdnum.

Go stemmim læi nokkam, de vulgge si fast ruoktot. Æige de šat ballam si maggarge ruošast, go si sukke Lidnevudni.

Mutto im mon jake, atte mangas ditte, atte dat danskaprinsa borra Norgast nubbe dam mære go min oudeb boares gonagas, jos son boatta deike. Son galgga namalassi oazžot lakka miljon kruvna jakkasažat balkkan. Boares gonagasast i læm æmbo go lakka miljonbœlle.

Samek lavijek davja mu gullut vaidalet, atte værok læk nu storrak ja lossadak. Mutto jos si dal fal bottek ja dagjek mudnji maidege dam birra, de vastedam mon dakkaviđe:

»Di lepet jure muddagak makset! Manne ječa lepet nu jallak, atte manabetet valljit daggar divrras olbma, go danskaprinsa gonagassan.«

Lidnevuon-asse.

Albmugskuvlla Japanest.

Stuoradigge Japanest addi dast september manost ovta laga, mi mæreddi, atte buok manak Japanest, sikke riggak ja vaivašak, galggek baggijuvvut vazzet skuvlla, go si læk 6 jage boarrasak ja dassači, go si devddek 14 jage. Dam vuostas njællja jage oapatuvvujek manak japanalaš ja kinesalaš gilli. Dasto maņemus njællja jage engelas gilli, maid si galggek sattet lokkat ja sardnot, go si heittek skuvlla vazzemest.

Godde ja boccu ællemakke.

Godde, mi ælla gukkeb go boaco, i galga ællet gukkeb go 14—16 jage. Boaco i galga ællet nuge gukka. Daddeke læ datge oidnum, atte boaco læ ællam 20 ja vela 30 jagege; mutto dat læ mælgad harvve.

Gutta mana.

Muttom negernisson Afrikast rieğadatti dast gieskad gutta mana. Dat læ vuostas have, atte dat læ gullum dapatuvvam. Dat gutta mana bigjujuvvujegje baldalagađ guodda ala ja daina valddujuvvui govva; mutto buok guđas jabme oanekaš aige maņiel rieğadæme.

Nuft læi sudnjiges oidnujuvvum.

Muttom nuorra pappa Schweizast, gæn namma læi Guette, læi ožžom čœlkemættom rakisvuoda ovta dalonidi, gutte oroi sæmma baikest. Nieida ačœ gal læi mielast; mutto nieida ješ i fuollam guđege lakai papa ja loppadaddai maņemusta ovtain ærain. Hægjabæivve bođi, ja dat sæmma papparieppo galgai vihatet dam nieida. Go son irgines čuožžoi altar oudast, de pappa juo darregođi ja rokkadalai njuorraset olbmui gullut nieida hættet naittalæmest; dastgo dat hœvata buok su ilo dabe ædnam alde. Dat i vækketam maidege.

Maņemusta daiketi pappa. Son bivdi særvvegoddes vuorddet moadde minuta ja manai dasto sierra ladnji, gost son rokkadalai Ibmedi. De go dobbe bođi ruoktot, de son æska doaimati vihatœme orostamkætta; mutto su jienast gullui čađa aige, atte son læi hirbmad lossa mielast.

3 miljon arvo olbmuk bargotaga.

Engelanda barggin galggek dal læk 3 miljon arvo olbmuk bargotaga. Stuora hætte læ sin gaskast, ja stuoremus hætte London gavpugest, gost manga lok' duhat olbmu læk bargotaga ja jure nælggomen.

Man issoras læ dat dadde jurdašet! London gavpugest, gosa nu ollo riggodak læ čoađganam, gost læ nu stuora hærvvasvuotta ja činak, dobbe gullu dal alo dat vaimoi-manne čuorvas: »Mon læm bargotaga!«

105 jakkasaš boares agja.

Vogain ælla okta olmai, gæn namma læ Johannes Rystad. Son læ dal 105 jage boares; mutto sust læ ain sikke buorre gullu ja oaidno, ja son læ muđoi maidai dœrvas. Son lokka brillaitaga, ja sust læ maidai buorre muitto.

»I dat læk æra go mon!«

Moddin sanin satta celkkujuvvut, stuora moraš daihe vaidaletæbme. Dam bođi dast æska muttom ædne fuobmašet. Sust legje guokta ucca nieidača, ja dat nuorab ja čabbašæb' nieidda læi su čalbmebælle. Son rakisti dam æmbo go dam boarrasæbbo, gutte duom ektoi læi dego nieddabællæ. Son gočœodi dam nuorab nieidas gollen.« Muttom bæive čokkai œdne olgobæld uvsa ja logadi girje. De gulla son nubbe su nieidaguovtos boattenen.

»Don go dat læk, mu golle?« čurvi son. »I mamma,« gullui vastedæmen. »I dat læk golle. I dat læk æra go mon.«

Dat moadde sane »I dat læk æra go mon« dagai ædne jurddagi ala; mutto dam rajest læ son ovta mađe buorre goabbašagađi.

Okta jæraldak.

(Sisasaddijuvvum.)

Dam blađest læp mi bæssam oaidnet manga olbma arvvalusa, guđek læk čallam sami manai skuvlai birra; mutto mon im gal aigo sardnot æmbo dam birra; dastgo dam birra læ sardnujuvvum ollo. Jure dam lakai bæssage olmuš oaidnet, maggar lagaš ibmardusak dasa gæstge læ. Ovta gačaldaga aigom mon jærrat blađe lokkin dam have: »Man lakai dat lifčei buoremus manai, vanhemidi ja oapatægjai oazžot boattet

ovtamielalašvutti ja ovta ibmardussi dam lakai, atte si buokak bargasægje ovta raðest mana oapa ouddanceme maññai?»

Mon læm oaidnam manga baikest, man stuora vahag dat læ mannai, go vanhemak ja oapatægje læk guðek lagaš ibmardusast. I læk dat nu harve gullat manga vanhem njalmest: »Asta hal gal skuvlaolmai oapatet stuora balka oudast!»

Dal bijam mon penna erit ja savam, atte farga soames galgaši vastedet mu gačaldakki.

W.

Naittalam jabmemsængast.

Muttom dalkastægje, Albert Arendt, læi ærranam su akastes. 20 jage læi juo gollam dam rajest. Dast duvle, go dalkastægje læi buoccam, vuolgati son sane akkasis ja jærai, igo dat aigo naittalet suina fastain. Dat mieđiti dam buocce savvagi, ja okta pappa vihati dam guokta boares olbmuođđasist. Dasta maññelist jami irgge.

Salled-damppa dušsam.

Damppa »Fin« golgai garra dalkest gaddai Kjælvikast ja vuojoi. Dat læi assurerijuvvum.

Albmugstemmim

12. ja 13. november.

Albmugstemmim læ fastain dolujuvvum obba min ædnam mietta sæmma laje go 13. augusta gæsseg.

Nuftgo mi oudeb nummarest juo muittalæimek, de læi gačaldak dat: »Lækgo don stuoradigge ja raðdetusa mielde, atte danskaprinsa Carl valljuvvu Norga gonagassan, vai ikgo don læk?»

Dam gačaldakki botte ollo æmbo »læm« mek go »im« mek. Go dat bitta čallujuvvu, de læ dušše okta gielda, Værø Vaagain, man stemmim birra mi æp vela dieðe. Æra gieldain min ædnamest læk celkkujuvvum oktibuok 259215 »læm« ja 68254 »im.« Dušše Guovddagæinost ja Tysfjorast čuojai ovtamielalažat »læm.« Buok æra gieldain gullui maidai »im.«

Mi aigop dast muittalet, moft albmugstemmim læi dabe Sameædnamest dam 12. ja 13. november.

Giieldai namak	Læm	Im
Guovddagæinost	83	0
Alatægjost	259	63
Dalbmaluoftast	379	20
Lapest	229	9
Hammerfesta gaddesuokkanest ja Rakeravjost	204	13
Muosægjost	314	30
Goakgieddest	222	2
Garašjogast	51	3
Davvesidast	95	32
Dænost	172	46
Unjargast	49	45
Davve-Varjagest	88	57
Madda-Varjagest	85	52
Vargai gaddesuokkanest	86	36
Hammerfest gavpugest	212	120
Vargai gavpugest	166	221
Čaccesullost	151	138
Oktibuok	2848	866

Vaiko mi gal lifæimek savvam, atte »im« i lokko lifæi galggam šaddat nu stuores, atte Norga læi šaddat republikkan, de aiggop mi čelkket, atte mi dal savvap ja doaivvop, atte buok Norga olbmuk maññel dam almugstemmima ovtamielalažat barggek min ædnam buorredile maññai.

Dak vuostas Spitzberga jottek.

Dak vuostas Spitzberga jottek læiga guokta olbma Hollandast, Jakob van Hemskerk ja Cornelius Ryp, gæk dam jage 1596 jottaiga goabbag skipaineska Nuortta-Isa-appai. Tid juni 1596 olliga soai ovta sulloi, mi goččujuvvui Beeren-Eilandan (Guovčasulon). 21ad juni oiniga soai ovta gadde, mast legje avjojies varek. Soai navdiga dam Spitzberggan (Avjojiesvarren.) Dak sullok læk dam rajest læmas buorek bivddemsajek. Novaja Semlja læi juo 1553 gavdnujuvvum ovta engelas olbmast, ja Jan Mayen sullogavnai muttom Hollanda olmai 1611, gæn namma læi Jan Mayen. Son goččoi sullo su ječas nama mielde.

Manga rikast jottajegje olbmuk dokko bivdoi, ja Beeren-Eilanda sullost goddujegje morsak duhati mielde. Muittaluvvu, atte dobbe goddujegje gidda 1000 morsä moadde di-most.

Maññel šaddai naggo rikai gaski. Sikke engelas olbmak, Hollanda olbmak, franskalažak ja Danmarko ja Norga olbmak adne, atte dak applesullokk gulle sigjidi. De jukke dak rikak bivddemsajid daina sulloin;

mutto dat juokken i maksam baljo maidege. Skipak borjastegje davja dokko, gost legje ænemusad morsak, njuorjok ja guovčak, ja æi jøerram, gæsa dak sajek gulle.

Min aige læ juokke jage laga-buidi 400 olbma, guðek jottek bivdost Isamærast.

Okta prinsessa gavdnum 6 jage gæcest.

Moadde jage dast ouddal javkai fakistaga okta 19 jakkasaš prinsessa Bayernest (Tuiskalandast), ja son ocujuvvui, mutto i læm šat gavdnamest gostge.

I oktage daddeke jakkam, atte son læi hævvanam. Dat dittujuvvui, atte prinsessa ani dam buorebun atte læt vuollegæbbo olbmui særvest. Son i likom gonagaslaš olbmaid, ja go son muttom bæive gulai, atte dak aiggo su naittalattet ovtain 50 jakkasaš gonagasain, gæst i læm rika-arbolaš, de vuostalasti son garraset ja javkai fakistaga.

Guða jage duokkai i gullum prinsessa birra mikkege. De dast gieskad læi okta alla tuiskalaš ammat olmai, gutte dovdai prinsessa burist, jottemen ovta ucca gavpugažži Frankriki, ja igjaduvai ovta guosseviesost. Go son čokkai ja gæčai vazzid gata ta alde, aicai son ovta nuorra nissona, gutte laidi guokta mana. Son šaddai ibmaši. Dat nuorra nisson læi su mielast nu sagga dam javkam prinsessa nallai. Son doppi gapperes ja olgus, gost son vazzi dam nuorra nisson ja manai mañnest, gæid son oini mannamen ovta ucca visoš sisa, man alde oidnui mærkast, atte dat gulai muttom spiridalkastægjai.

Son čugjalatti uksabiello, ja okta biga boði, rabasti uvsa ja doalvoi su ovta ladnji, mi læi spiredalkastөгje čallemladnja. Dallanaga boði spiredalkastөгje oktan akaines sisa.

Ammatolmai dovdai dakkaviðe, atte dat nuorra nisson læi prinsessa, ja dat maid dovdai su. Spiredalkastөгje arvvedi, moft dal dat ašše læi. Son bakkodi: »Mon oainam, atte don dovdak mu aka.»

»Mon dovdam prinsesa; mutto mon im vuorddam su gavdnat dabe, ja dat šadda diettalas mu gædnegavuotta muittalet dam birra mu gonagassam.«

»Dam don gal oazok dakkat, ja don oazok maidai muittalet, atte moai ledne orrom dabe gutta jage, atte monnost læ guokta mana, ja go mu akka i læk goassege læmaš maŋŋel naittalæme su sogaides lutte, de æi berre sige muošetuttet su.«

Ouddalگو dat tuiskalaš ammatolmai vulgi ruoktot, oazžoi son gullat æmbo sodno birra. Dat nuorra spiredalkastægje læi gutta jage dast oudal dalkodam gonagasa hæstaid. Daina lagin šaddai son prinsessain dovodos, ja muttom bæive garggedæiga soai Frankrikai, gost soai naittalæiga ja eliga likkolažat naittusvuodast.

Dat læ jakkemest, atte dat nuorra dalkastægje akka oazžo ællet rafhes su boadnjas lutte oktan su madaidesguim.

Go likko cuovkana.

»Vuoi, olbmam, gutte halges morašta ječas jure hægatæbmen dušše ovta nieida diti!« Nuft jeddi muvrrar Girgi su ustebes Wastla, gutte čokkai gietta lakoi vuostai bævde guoras ja morašti su lappum, rakisvuodast diti.

»Valde aldsesad ovta glasa vuolaga ja čokked dasa min balddi!« sardnoti su usteb su.

Wastl čokkani; mutto dai æraši læikkastaddam dušše bavčagatti vela æmbo su vaimo.

Son læi odne cælkemøttom morrašest. Son læi jurdašam harcastet ječas; mutto son čokkani daddeke jukkat maŋemus gærde su ustebidesguim.

Maidbe dal? Odne læi su likko cuovkkanam ja nokkam! I goassege sattam son šat šaddat illoi æmbol!

Mutto dat læige jure muddag sudnji, jurdaši son ješ. Mannebe son læi læmaš nu caicas, atte jakket ječas likkolažžan šaddat! Goasbe suina læi mannam su savvag mielde dam moraš mailmest! Goasbe son læi læmaš likkolaš! Nu gukkas go son muiti, de læi sudnji oidnujuvvum dušše hætte, varnotesvuotta, barggo ja vaivve.

»Dat bardne bođi maidai garžes aige,« celki su cødne, okta bargolaš akka, go son cummisti su, dam ovcad manas. Sust i læm dille dikšot su. Dak boarraseb' oabbak šadde dam

dakkat.

Vuoi, moft son vællai dam boares, hæjos gietkamest, bargoi gosi gielatæbmen ja goarrani dam hæjos divšo vuolde. Ja go su oabbak maŋemusta vaibbe gullamest su barggoma, de vutto si su nu garraset, atte dat juovcojes gietkam gobinani, ja son nordai ječas bævde ja stuoloi vuostai.

Ja maggar son læi mannan oaidnet? Dego boares agja, ruoinas ja roavčagam.

Manga gærde, go su oabbak garra giedaiguim doppijegje su, gæčasti son sin ala stuora, moraš cælmiguim, dego son jeraši sist: »Manne di lepet nu bigjam mailbmai, go mon læm digjidi dušše arron?«

Maŋŋel valdi ædne su mieldes luokkai ja gieddai, gost son bargoi, ja go bardne šaddai stuoreb, de læi son ačes mielde vuovdest ja vækketi su čokkit muorruaruošasid ja muorrbittaid. Man manga gærde son i læm bagjelmaralaš vaibas!

Ja go son maŋŋed ækked bođi sidi ja doaivoi, atte son oazoi love vuoinastet vøhaš bænka alde dolla gaddest, dassači go ækkedesmales šaddai garvesen, de gullui:

»Wastl, njalde potetosid! Wastl, vieža čacel! Wastl, ožud Franzeria oadđet! Wastl, gæča Zawerl bærrail!«

I son ožžom goassege rafhe; dastgo vaiko son læi su vanhemides ovcad manna, de son gukkas erit daddeke læi sodno maŋemus manna. Mutto dađe mielde, go dak boarrasemusak guđe sidasek ja vulgge balvvalussi, de šaddai Wastl mannagæčæn.

Wastl læi gukka sidastes. I oktage dalolaš fuollam sust, vaiko ačče mai dakkedi, atte bardne satta barggat dam maid ærakge.

Maŋemusta valdi okta snikkaroaivve Wastl oppi. Ja go ačest i læm makset oapa oudast, de fertti Wastl juokke bæive vækketet snikkar su dalost.

Wastl læi viššal ja bargolaš, ja son oazoi famolaš borramuša su oapatægje dalost.

Dam ucca, ruoinas barnest šaddai okta stuora ja gievras olmai, gutte oazoi bælcæčid kruvna vakkost æreb borramuša ja orromsaje.

Mutto ain villoi okta dinga, man maŋŋai son alo læi aibašam, ja man son alelassi ocai ja doaivoi gavn-

nat, namalassi likko.

Likko boatta fal, dam jaki son nu nannoset, ja mađe boarrasæbbo son šaddai, dađe nannosæb osko oazoi son dam aše harrai. Dat osko dagai su nu movtügen, atte son alo sestii bælenare su ucca balkastes, bivddem varas likko su ječas lusa. Son gæččali likkos manga lakai, valdi nummerid lotteriast; — mutto likkotæbme læi son alo.

»Likko i sate oktage ješ valdet. Dat fertte boattet olbmu lusa. Dat i abok, atte olmuš doarreda likko.«

Maŋŋelgo Wastl læi boattam dam addijubmai, gæčastaddai son davja birra ječas, go son vagžaši balgga mielde, boattago mikkege su maŋest.

Ja ovta bæive bođi maidai okta viega su maŋest. Dat læi dat ucca Roslaš, okta ælljos, arvok ja lieggos nieidda. Dat læi 50 lavke su maŋabæide, ja go Wastl riemai vagžet hillejt, juvsai nieidda su maŋemusta.

Ja go Wastl oini dam hærvastvuoda, mi čuvvggis cælmiguim, mojtallamin ravkai sudnji »Burist!« de bođi jottelet sudnji dat jurda:

»Die læ likko, maid mon læm occam.«

De læi son goitge gavdnam dam. Su maŋest læi dat viekkam, nuftgo son læi jurdašam likko birra.

Wastl šaddai dalle nuft avvoi, atte son-rak darragođi. Gal su miela mai lossudi vøhaš, go son arvvedi, atte i son sate naittalet, go sust i læk æmbo sisaboatte go bælcæčid kruvna vakkost; mutto Rosl jeddi su ja lopedi vuorddet su, dassači go son šaddai snikkaroaivven — »vaiko vel vuorddemaigge šaddašige olles ucca agalašvuottan,« celki nieidda.

Jo, satte fal son šaddaši snikkaroaivven! Mutto dat læi gæppasæbbo dagjat go dakkat.

Lasetuvvu.

Salonrikobissok — Remingtonbissok
vuovddet; Maser nale mielde.

Vissak 100 metar duokkai.

Saltforretningens Handel
Næverfjord.

Redaktøra: A. Larsen.

Prenteduvvum „Nuorttanaste“ prentemrakkanusast. Sigerfjorast.